



Br: 02-02-9-1498-4/19  
Sarajevo, 30.10.2019.

**Poziv bh. kompanijama za dostavu aplikacija za dodjelu grant sredstava  
u okviru projekta**

**„Podrška individualnim nastupima malih i srednjih poduzeća (MSP)  
iz Bosne i Hercegovine na sajmovima u zemljama EU“**

Poštovani,

Vanjskotrgovinska/ Spoljnotrgovinska komora Bosne i Hercegovine objavljuje početak implementacije projekta „**Podrška individualnim nastupima MSP-a iz BiH na sajmovima u zemljama EU**“ i poziva zainteresirana mala i srednja poduzeća iz Bosne i Hercegovine da se prijave za učešće, tj. pošalju svoju aplikaciju za učešće u projektu i dodjelu grant sredstava (*Prilog 1 – Aplikacioni obrazac*).

Projekat je nastao pod okriljem Mehanizma za podršku implementaciji strategija razvoja MSP (SIEM), a u sklopu programa „**Evropski akt o malom biznisu**“ (okvir strategija i politika za mala i srednja preduzeća u Bosni i Hercegovini) koji financira Švedska, posredstvom Švedske agencije za međunarodni razvoj i saradnju (Sida), a provodi Agencija za razvoj preduzeća Eda iz Banjaluke.

Cilj projekta je **podržati individualno predstavljanje na specijaliziranim sajmovima na ciljnim tržištima EU za 10 malih i srednjih poduzeća (MSP) iz dva vodeća sektora u izvozu Bosne i Hercegovine – sektori metalske i/ili elektro industrije, te drvoprerade, testirati novu praksu podrške MSP kroz praćenje ostvarenih rezultata ovih nastupa, te na osnovu toga pripremiti preporuke - opis mehanizma podrške za model pojedinačnih nastupa MSP na sajmovima u inozemstvu.**

**Vrsta podrške koju će pružiti VTK/ STK BiH uspješnim aplikantima - odabranim MSP:**

- Grupne konsultacije na početku projekta (pripremni sastanak za odabrane MSP);
- PR aktivnosti (objave o projektu i učesnicima na web-stranici Komore, u elektronskim i pisanim medijima);
- Individualne konsultacije sa odabranim MSP u toku njihove pripreme za individualni nastup na sajmu;
- Materijali za podršku nastupu;
- Financijska podrška (**svakom odabranom MSP bit će obezbijeđeno sufinansiranje troškova nastupa na sajmu u EU u iznosu od najviše 5.000,00 KM**).



### **Uvjeti i procedura dodjele financijske podrške odabranim MSP:**

- Troškovi koje je moguće subvencionirati sredstvima granta su:
  - **zakup prostora na sajmu;**
  - **uređenje štanda** (ukoliko troškovi zakupa prostora iznose manje od sredstava za subvenciju).
- Sredstva se odabranim MSP uplaćuju na njihov račun retroaktivno, tj. **nakon završenog nastupa na sajmu i nakon dostave tražene dokumentacije** (pregled kontakata i rezultata na sajmu; fotografije sa sajma; fakture i dokazi o uplati zakupa prostora za štand i eventualno fakture za uređenja prostora).

### **Kriteriji za aplikante – MSP iz BiH:**

- Bh. kompanija iz privatnog sektora metalske i/ili elektro industrije, te drvoprerađivačke industrije;
- Zadovoljava EU definiciju malog i srednjeg preduzeća  
<https://ec.europa.eu/growth/smes/business-friendly-environment/sme-definition/> ;
- Kompanija je strateški opredijeljena za izvoz na tržište EU;
- Iskustvo u izvozu i pozitivan rezultat poslovanja;
- Ima **finalni proizvod** koji se izlaže na sajmu;
- Posjeduje certifikate neophodne za izvoz u EU;
- Firma je spremna dostaviti podatke o kontaktima i rezultatima ostvarenim na sajmu, te rezultate ostvarene u periodu 3-6 mjeseci nakon sajma, koji će se koristiti u svrhu analize rezultata nastupa;
- Prednost prilikom odabira kompanija imaju članice VTK/ STK BIH koje redovno izmiruju obavezu plaćanja članarine, u skladu sa članom 22. i 23. Zakona o VTK/ STK BIH („Službeni glasnik BiH“, broj: 30/01 i 72/13) <http://www.komorabih.ba/clanarina/> ;
- Firma će izlagati na sajmu koji ima sljedeće karakteristike:
  - specijalizirani sajam na tržištu EU na kojem je moguće izlagati finalne proizvode MSP koje aplicira za podršku;
  - termin održavanja sajma je unutar perioda od 1. januara do 30. septembra 2020. godine;
  - sajam ima izražen internacionalni karakter (prednost imaju sajmovi sa većim internacionalnim prisustvom izlagača i posjetitelja);
  - sajam na kojem VTK/ STK BIH ne organizira grupni nastup bh. kompanija u 2020. godini<sup>1</sup>.

### **Apliciranje i selekcija aplikanata:**

Prijava za učešće u projektu obavezno sadrži:

- Prilog 1 - Aplikacioni obrazac
- Prilog 2 - Rješenje o registraciji i razvrstavanju djelatnosti
- Prilog 3 - Bilansi stanja i uspjeha (2018. godina)

---

<sup>1</sup> VTK/ STK BIH u 2020. godini organizira **grupne nastupe** na specijaliziranim sajmovima u EU iz oblasti metalske/ elektro industrije (Hanover Fair 2020), te drvoprerađivačke industrije (imm cologne 2020). Na ovim sajmovima nije moguće podržati individualno predstavljanje MSP.



Aplikacioni obrazac sa pratećom dokumentacijom dostavlja se lično ili putem pošte, u zatvorenoj i zapečaćenoj koverti sa naznakom

**Prijava za projekat „Podrška individualnim nastupima MSP-a iz BiH na sajmovima u zemljama EU“ – NE OTVARATI**

na adresu:

**Vanjskotrgovinska komora BiH, Branislava Đurđeva 10, 71000 Sarajevo.**

Rok za dostavu aplikacije je: **srijeda, 13.11.2019. godine u 15,00 sati.**

U skladu sa kriterijima iz ovog poziva i procedurom projekta, pristigle aplikacije razmatrat će Komisija za odabir aplikanata. Aplikacije koje ne sadrže sve navedene elemente, smatraju se nepotpunim i neće biti uzete u razmatranje. Kandidati će blagovremeno biti obaviješteni o rezultatima izbora.

Za eventualna pitanja i dodatna pojašnjenja vezano za ovaj poziv, kontakt osoba je g-đa Lejla Međedović, tel: 033 566 231, e-mail: [lejla.mededovic@komorabih.ba](mailto:lejla.mededovic@komorabih.ba).

S poštovanjem,

DIREKTOR

  
Enes Ališković

Prilog 1. Aplikacioni obrazac